


Vijesti

27.03.2024.

Najnovije vijesti

Predstavnici policijskih struktura Republike Italije u posjeti Agenciji



Direktor Agencije za forenzička ispitivanja i vještačenja Radiša Samardžija, 27. marta 2024. godine, u prostorijama Agencije održao je sastanak sa predstvincima policijskih struktura Republike Italije g. Đovanim Ricom, policijskim atašeom u BiH, i g. Đovanim Komunalem, ekspertom za sigurnost pri kancelariji Službe za međunarodnu policijsku suradnju. Sastanku su prisustvovali i zamjenik direktora Agencije, Alen Husković, i šef Odjeljenja za podršku, Sanja Pržulj.

U srdačnoj i prijateljskoj atmosferi, direktor Samardžija predstavio je predstvincima policijskih struktura Republike Italije organizacijsku strukturu Agencije, kao i dosadašnje rezultate i probleme sa kojima se susreće u radu. Također, istakao je dosadašnju dobru i uspješnu suradnju između Agencije za forenzička ispitivanja i vještačenja i forenzičkih institucija Republike Italije, koja se ogledala kroz obuke u italijanskoj instituciji ARMA DEI CARABINIERI - RaCIS u Rimu, kao i obukama koje su vještaci RaCIS centra održali u prostorijama Agencije.

Predstavnici policijskih struktura Republike Italije su, u kontekstu sagledavanja tehničke bilateralne suradnje između Bosne i Hercegovine i Republike Italije, naglasili potrebu unapređenja i konkretizacije daljnje suradnje u oblasti razmjene forenzičkih kadrova i edukacija po određenim forenzičkim specijalističkim disciplinama te izrazili spremnost za ulaganje dodatnih npora s ciljem jačanja postojeće suradnje. Na kraju posjete predstavnici policijskih struktura Republike Italije uručili su prigodan poklon direktoru Samardžiji i zahvalili na toplom gostoprимstvu i vremenu odvojenom za održavanje sastanka.

Prilozi

